

Si, *Qui sumus?* queritis; Sanguis vester sumus, caro de carne vestra, et os de ossibus vestris; eiusdem indulgentissimi Matris filij, eiusdem splendidissima Reip. Concives, ortu et nascendi prerogativa Jurium Vobiscum aequalitatem fortiti.

Si, *Quae sit Religio, et Fides Nostra?* inquiritis; Eundem Vobiscum DEUM Triunum, eundem Salvatorem crucifixum, eundem Spiritum sanctificatorem, agnoscimus, veneramus, colimus; Eadem divina Oracula in Scripturis tradita pro norma Fidei; ab ijs vel latum unquam discedere, pro piaculo, habemus: Tria illa S. Ecclesiae Catholicae Symbola, et Concilia Oecumenica priora IV. ab Universali Ecclesia recepta, et Ipsi toto pectore probamus, suscipimus, amplectimur. Nullus unquam Atheus, Epicurus, aut atra Arii Socinive haeresi notatus, inter Nos reperit, fuit. Idem Vobiscum fidei et salutis fundamentum illibatum tenemus; quamvis in superstructuris quibusdam idem per omnia sentire, Conscientia, cui reliqua posthabemus omnia, prohibeat.

Si *Jura et Privilegia nostra* queritis, sunt illa VIII. Regum ab Henrico Valesio, ad modernum Regnantem, non interrupta serie sibi succedentium, Juramenti sapienter iteratis munita; sunt sanctissimis Reipublicae sapienter confederata vinculis, sub Conscientia, Fide et Honore, adstricta, sunt publicis Regni Legibus et Constitutionibus, firmata, et pro *LEGIS AETERNA* declarata; et si quid vel humanum genus, vel Respublica Christiana sanctum habet et inviolabile, id omne causam pro Nobis dicere censei debet. Si vero *Gravamina nostra*, et Juribus adversa, vel facta aliorum, vel nostra fata alleganda sunt; illa quidem in tantum eheu! cumulum excreverunt, ut ubi dicendi initium, ubi finis faciendus sit, haud reperiamus.

Diu equidem siluimus, non, quod querimonia materia deesset; sed quod somnionum vix daretur opportunitas; aut si daretur, Rempublicam tamen publicis cum malis colluctantem gemitibus nostris obtundere vereremur. Accedebat, quod injuria Nobis intentata magnam partem privatorum fuerunt, quas patientius talimus, spe preti, Rempublicam, cujus et Nos pars sumus, cum Jurium favorum Dominam, remedium opportunum tempore allaturam esse: Nunc, cum ab ijs maxime, qui publica in Regno auctoritate pollent, juris spee premamur, Jurag. Nostra et Libertates propalam conculeant, nullo tandem piculoso silentio imploranda Nobis et Benignissima Mater, Serenissima Respublica!

Au,